



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 24. Status Ecclesiæ Græcæ.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

miter receptus fuerat, Dux Henricus <sup>Sæcul. XIII.</sup>  
 eum propterea ibi oppugnavit murmu- A. C. 1285.  
 rantibus contra Thomam ejusque Clerum  
 civibus, quod ipsis annonæ penuriam  
 accivissent. Ergo Episcopus periculum  
 subire, quam populo, cui devinctus esset,  
 ærumnam parere maluit: & pontificiis  
 indutus vestibus quosdam de Clero suo  
 sacris etiam ornamentis amictos ex urbe  
 ad castra Henrici recta ducebat via. Qui  
 inopinato spectaculo motus relicto ten-  
 torio non tantum obviam venit Antistiti,  
 sed & ad pedes accidit. Erexit hic il-  
 lum: & post mutuos inter lacrymas am-  
 plexus remotis arbitris propinquam  
 S. Nicolai ædem ingressi redierunt in  
 gratiam: quippe Dux se Præsuli, Eccle-  
 siis, & Clero adempta omnia redditurum  
 pollicitus obsidionem Ratiboriæ solvit:  
 & Archiepiscopus Gnesnanus censuras  
 fustulit. Sed hoc non ante factum quam  
 anno 1287.

## §. XXIV.

*Status Ecclesie Græcæ.*

Imperator Andronicus Palæologus ex  
 Anatolia Constantinopolim reversus  
 non mutabat suum schismaticos recon-  
 ciliandi consilium. Confirmabant id po- *Pach. l. 7.*  
 tius perhibita quædam portenta, quæ *c. 30.*  
 timidum ac superstitiosum ejus animum  
 vehe-

Sæcul. XIII.  
A. C. 1285.

vehementer perculerant. Ad templum S. Sophiæ spectabat privatum domicilium quoddam, cujus in muro depicta Virgo Sanctissima multos per dies præbuerat speciem flentis & tam ubertini, ut lacrymæ spongis colligerentur. In alia domo imago S. Georgii multum sanguinis fundere visa erat. Hæc naturaliter effecerat murorum humor: at Græci pro miraculis iræque divinæ signis accipiebant. Imperator igitur putabat se monitum a Deo, ne deponeret curam reconciliandi Ecclesiam. Sed non poterat placare animos. Josephi ab Arsenio diris devoti nominationem in precibus publicis, communionem cum ejus sectatoribus, & consensionem cum Papa non ferebant Arsenitæ.

c. 31.  
Gregoras  
l. 6. c. 1. n. 9.

Arsenii corpus ex Proconneso Constantinopolim deferendi copiam subdolepetierant, ut Arsenius injuste pulsus, Josephus possessor iniquus videretur. Mox annuit Imperator haud perspicuus eorum mentem, sed in solam Ecclesiæ pacem intentus. Allatum proinde Arsenii corpus ad portam urbis tam Patriarcha Gregorius cum omni Clero, quam Imperator cum toto Senatu excepit: inde ad S. Sophiæ solenniter cantus inter & lumina portatum est. Postea vero Theodora Eulogiæ filia, neptisque Imperatoris

ris Michaëlis illud in monasterio S. Andree a se instaurato reposuit. Sæcul. XIII. A.C. 1285.

Imperator Andronicus vivo patre amiserat suam conjugem Annam Hungaricam, quæ duos ei filios Michaëlem & Constantinum reliquit. Pachym. c. 33. Greg. 6.2.

Ergo liberis e secundo venturis thalamo spem Imperii ademptam reputans, non sibi cum coronato capite aliquo affinitatem jungendam censuit, contentus uxorem ducere Jolandam, seu Irenen ex Guilielmo Montis Ferrati Marchione, ac Beatrice Castiliæ Principe Alphonfi Astrologi filia procreatam. Ducange famil. Byz. p. 235. Id. not. Greg p. 731.

Latini non solebant sine permisso Papæ cum Græcis schismaticis matrimonia contrahere. Sed Marchio tum proscriptus ob cædem Episcopi Dertonensis hoc annos factam, has nuptias clanculum tractavit. Allat. conf. p. 708.

XXV.  
*Veccus conqueritur.*

Neophytus Prusiæ in Bithynia recens Episcopus, ut specimen ardentis ordii sui in concordiam cum Papa ederet, imperavit abstinentiam carniū per quatuor dies perhibitum hoc crimen expiaturam. Populus Prusianus hanc pœnam sentiens incommodam, Joannem Veccum eandem in urbem relegatum onerabat conviciis tanquam consensionis autho-

Pachym. 1.7. c. 24.